

huiusmodi, imo vero Apostolicis non parueritis cum effectu, per dictos sex dies canonica monitione præmissa, ex nunc prout ex tunc ingressum Ecclesiæ interdicimus in his scriptis. Si vero præfatum interdictum per alios sex dies præfatos sex immediate sequentes sustinueritis, vos ex nunc prout ex tunc suspendimus a Divinis. Verum si præfatas interdicti & suspensionis sententias per alios sex dies præfatos duodecim immediate sequentes sustinueritis, quod absit, animo indurato; vos ex nunc prout ex tunc, & ex tunc prout ex nunc, propter huiusmodi contemptum, in his scriptis dicta Apostolica auctoritate qua fungimur in hac parte, excommunicationis sententia innodamus, non obstantibus in præmissis omnibus his, quæ præfatus D. N. per dictas suas literas voluit non obstare.

Cæterum, cum ad executionem huiusmodi mandati Apostolici ulterius faciendam, pluribus aliis negotiis præpediti vacare non possimus, universis & singulis DD. Abatibus, Prioribus, Præpositis, Decanis, Archidiaconis, Archipresbyteris, Cantoribus, Thesaurariis, Scholasticis & Canonicis Cathedralis Ecclesiæ Castellanae, & Parochialium Ecclesiarum Rectoribus, Vicariis, Presbyteris, Curatis, Clericisque ac Notariis publicis quibuscumque per civitatem Venetiar. & Diœc. Castellanam, & alias ubilibet constitutis, quibus & eorum cuilibet in solidum super ulteriori executione prædicti mandati Apostolici atque nostri, ac omnibus & singulis nobis in hac parte commissis, dicta auctoritate præsentium tenore nostras vices plenarie comittimus, donec eas ad nos duxerimus revocandas. Quibus prædictis, & cuilibet ipsorum sub excommunicatione-